

coelo pugnare posse. Cur ergo vulgus trepidat? vulgus inquam: Immo & nonnulli docti viri pauent, & pauorē porrò suum animis imperitorum incutiunt? Qui sermones diuulgentur non ignoras mi Patrone. quid scriptorum editum sit videmus & legimus. Sed videant hi scriptores, quàm solido nitantur fundamento, cum omnes Ptolemæi iudicio & grauitate confidant. Hic enim scriptor non modo absurdè, sed impiè quoq; scripsit. Exortum à nobis iri Deū, ne à Cometa lædamur, si luna cū Ioue cōiūcta, preces illi fundamus. Quanta sit in hoc sermone pietas, veritas, oēs intelligunt. Sed reliqua videamus.

Vna eademq; schola est, quæ Cometā infaustū dicit, *Cap. IIII.* & singulos dies adeò singulas diei horas ita notat, & per varios cœli ac stellarum situs digerit, vt iubeat quando in balneum descendendum, quando catapotia, sirupus, vel bolus assumendus rectè sit. Idem Astrologi Hippocrati & Galeno præscribunt, quando vena secanda, & ex venis quæ, num axillaris uel humeraria. Neq; uerentur de cucurbitulis edere decreta, scarificata uel integra cuti, prout stellarum senatus ipsis unis pronunciarit. Atq; hi demum sunt Cometarij uates, qui capillorum tonsuras, & unguium resectiones, prout stellæ iusserint, obseruari uolunt. Et quantum illud est, cum dicunt certis terris & populis à cometis damna imminere, quia variarum stellarum uis, diuersas terræ partes & iuuat & lædat. Dicere *Ridiculi* ausim hanc tantam uarietatem esse omnibus hominibus *Astrologi* incompertam, ipsi etiam Astrologi de hac re pugnantia decreuerunt. Et si quis illorum scripta legat, uidebit inter se cōtendētes Persas, Aegyptios, Hisparchum, Ptolemæū, ueteres & recentiores magistros. Quo in genere unum afferam, unde scholæ huius infirmitas manifesta sit. Dicunt, signa Cæcri & Virginis insulis oceani cunctis præesse. Pudet me (ita me Deus amet) de istis agere. Scilicet Oceanus piscina quædam est, aut angusta aliqua Maris pars, ut cum tanta aquarum immensitate, tantisq; locorum spatijs, & copia insularum innumerabili, dua-
bus